

# Vuk'uzenzele



Produced by Government Communications (GCIS)

English/isiXhosa

| EkaCanzibe 2018 Ushicilelo 2

## Bridge brings relief for KZN learners



■ KZN MEC for Transport, Community Safety and Liaison Mxolisi Kaunda with local learners who now arrive on time for school.

**GOVERNMENT** is ensuring that children don't have to cross dangerous rivers to get to school.

### Nomfundo Mcetywa

**F**acing crocodiles and possibly drowning while crossing UThukela Riv-

er to get to school is no longer a reality for learners in KwaDukuza and KwaMaphumulo. This after the KwaZulu-Natal Department of Transport built two bridges

which cross the UThukela River. The Nyakana UThukela River Bridge, which cost R89.5 million to build serves the Mankenganeni community which is locat-


ed on the northern side of the river. The bridge links the Um- lalazi and KwaDukuza local municipalities

● **Cont. page 2**



**New App to bring faster service delivery**

Page 4



**Space weather service to benefit Africa**

Page 9



**ALSO AVAILABLE ON:**



@VukuzenzeleNews

f Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

E-mail: [vukuzenzele@gcis.gov.za](mailto:vukuzenzele@gcis.gov.za)

Tel: (+27) 12 473 0353

**Free Copy**

**“Education is the most powerful weapon which you can use to change the world.”**

Nelson Mandela



# Uxanduva loMzantsi Afrika lokufundisa ulutsha

**URHULUMENTE** uzalisekisa isithembiso sakhe sokuqinisekisa ngemfundo ephakamileyo yasimahla kubafundi abafanelekileyo.

## More Matshedis

**U**Mphathiswa weMfundo ePhakamileyo noQeqesho uNaledi Pandor uthi uMzantsi Afrika unako ukubonelela ngeebhasari abantwana beentsapho ezihluphekileyo nabaphuma kumakhaya amkela imivuzo ephantsi abafunda kwiiyunivesithi nakwiikholeji zeMfundo noQeqesho lobuChule nobuGcisa (i-TVET) ngowama-2018.

UMphathiswa uPandor uthe luxanduva lwelizwe ukuxhasa abantu abangamahlwempu kunye nabo bangathathi ntweni.

Ebethetha ngethuba lendibano noonondaba apho athe wathi thaca indlela eza kuqa-

liswa ngayo inkqubo yemfundo ephakamileyo yasimahla eMzantsi Afrika.

UMphathiswa uPandor ubhegeze ukuba uRhulumente ugalele enye imali ezibhiliyoni eziyi-7.166 zeerandi ukuze iye kwiibhasari zabantwana abaphuma kumakhaya ahluphekileyo namkela imivuzo ephantsi abafunda kwiiyunivesithi nakwiikholeji zoQeqesho lobuGcisa kunye neMfundo yezeQeqesho (i-TVET) kulo nyaka.

UMphathiswa uPandor uqinisekisa ukuba imali ezibhiliyoni eziyi-4.581 zeerandi ibekelwe bucala ukulungiselela abafundi abayifaneleyo abafunda eyunivesithi yaze imali ezibhiliyoni eziyi-2.585 zeerandi yabekelwa abafundi abafunda kwiiikholeji ze-TVET. Ngowama-2017 urhulumente

wamemezela ukuba imfundo ephakamileyo iza kuba simahla kubafundi abahluphekileyo kunye nabo bavela kumakhaya amkela umvuzo wonyaka ohlangeneyo oya kutsho kuma-350 000 eerandi.

Abafundi baxhaswa ngenkqubo yebhasari eyandisiweyo, ethatha indawo yemali-mboleko yangaphambili kunye nenkqubo enesixa esi-yibhasari ebinikezelwa siSikimu seSizwe soNcedo lwezeMali sabaFundi (i-NSFAS).

"Ulwabiwo olusisiseko oluya kwi-NSFAS lokuxhasa abafundi abahluphekayo nabo baphuma kumakhaya amkela imivuzo ephantsi abafunda kwiiyunivesithi kunye ne-TVET luza kwanda ukusuka kwimali ezibhiliyoni eziyi-9.849 zeerandi ngowama-2017/18 ukuya kwiibhiliyoni ezingama-35.321 zeerandi ngowama-2020/21.

"Oku kuthetha ukuba kufuneka ziphucuke iinkqubo ze-NSFAS kunye nendlela asebenza ngayo. Ngoko ke siye sabekela bucala enye imali ezizigidi



U Sekela-Mphathiswa weMfundo ePhakamileyo noQeqesho uButi Manamela noMphathiswa uNaledi Pandor kunye noSihlalo we-NSFAS, uSizwe Nxasana.

ezili-105 zeerandi kwe-sithuba seNkqubo-sikhokelo yeNkcitho yesiGaba esiPhakathi ukunceda i-NSFAS ukuba yandise kwaye iqinise amandla ayo okulawula," utshilo uMphathiswa.

Abafundi abafanelekileyo, nokuba benza owuphi unyaka, abafunda kwiiikholeji ze-TVET zikarhulumente baza kufumana ibhasari eyanele imali yabo yokufunda kunye nezinto zokufunda.

Ukunyuswa kwemali ngowama-2018/19 kuza kuqinisekisa ukuba abafundi abangama-458 875 baza kufumana iibhasari.

Abafundi abamalunga nama-50 480 abafunda kwiiikholeji ze-TVET, abafanelekileyo ukuba bafumane imali yokubancedisa ngezinto zokukhwela, indawo yokuhlala kunye nokutya, baza kuxhaswa nabo; ngelixa abanye abangama-82 600 beza kufumana izibonelelo zothutho.

UMphathiswa uthe esi sixa sitsha semali kulindeleke ukuba sixhase inani leendawo zokufunda ezimalunga nama-83 200 kwezi zingama-208 000 (ama-40%) zikhoyo zabafundi abatsha kwiiyunivesithi ngowama-2018. ■

# ISebe leMicimbi yezeKhaya lizimisele ukulwa imigca emide

**ABEMI BASEMZANTSI AFRIKA** kungekudala baza kuncedwa ngendlela ekhawulezayo neyanelisayo kwii-ofisi zeSebe leMicimbi yezeKhaya.

## More Matshedis

**I**Sebe leMicimbi yezeKhaya liphumeza isicwangciso senkqubo sokuqinisekisa ukuba abemi abachithi ixesha elide emigceni.

Ngokutsho koMphathiswa weMicimbi yezeKhaya uMalusi Gigaba imigca emide ibibangelwa bubuninzi obugqithisileyo babantu, indawo enganelanga yabantu abanceda uluntu, imiba yobunkokeli kunye nokuvalwa kwee-ofisi ngeMigqibelo.

Ukulungisa le ngxaki, isebe libala inani lee-ofisi zalo kulo lonke eli lize lijonge ukuba zeziphi na ezifuna ukuba iphuculwe indlela ezisebenza ngayo.

"Siza kuqhuba uvavanyo lokuphanda ngokwaneliseka kwabantu, senze iziko loqhagamshelwano nemibuzo lisebenze ngokunemagingxi-gingxi, sifumane isisombululo kwiingxaki yabantu abasuka beze kwii-ofisi zethu bengenzanga dinga kunye nobukhulu bamaziko ethu anceda uluntu, siqwalasele

ukuba asinakuqalisa ngenkqubo yamaxesha ahluka-hlukeneyo okuphangela, silungise nobuxhaka-xhaka bethu obungazinzanga, sandise izihlandlo ezingabhengezwanga abaphathi abaphezulu abatyelala ngazo kwii-ofisi zethu, siphucule ukuhamba komsebenzi kwaye siqinise ukuqhagamshelana nabantu," uMphathiswa uqinisekisile.

Ezi zicwangciso ziza kuqalisa ukusebenza njengamanyathelo okungenelela exesha elifutshane, eliphakathi kunye nexesha elide.

UMphathiswa uchazile ukuba le miceli-mngeni ayizukusonjululwa ngamanyathelo okungenelela akhawulezileyo kwaye ucele uluntu ukuba lube nomonde ngelixa isebe liqalisa ngala manyathelo.

"Sizimisele ukwenza konke okusemandleni ethu ukuze siwuphumelele ngandlela zonke lo mlo wemigca emide, nangona kukho imiqobo neminye imiceli-mngeni kweli sebe," uMphathiswa uGigaba utshilo.

Ngaphambi kwesibhengezo



UMphathiswa weMicimbi yezeKhaya uMalusi Gigaba uthi isebe lakhe liza kuqalisa ngezicwangciso zokuphelisa ingxaki yemigca emide.

sezicwangciso zenkqubo isebe lenze ingxelo yokuhlola ukufumanisa indlela efanelekileyo yokulawula kakuhle imigca kunye nokuphucula iinkonzo zayo.

Le ngxelo ikhankanye iinkqubo ezingazinzanga, inkqubo yokungahambi kakuhle komsebenzi-kunye nezicwangciso zokuqha gamshelana ezingahambelaniyo, into leyo ibangela ukuba abantu bangoneliseki nemigca emide.

Ngokutsho koMphathiswa, ezizinto zilandelayo zenza ibe mbi nangakumbi le ngxaki:

■ Ulawulo olukumgangatho

- ophantsi kwezinye ii-ofisi
- Ukungasetyenziswa kwabasebenzi ngokwezakho zabo
- Ukungabikho kwenkqubo yokwenza idinga phambi kokuba umntu eze kwii-ofisi zesebe
- Ulawulo lwemigca olunge-nampumelelo
- Ukusebenzisa inkqubo esebenza ngezandla kunye nezizisebenzela ngokwazo ngaxeshanye
- Ukunqongophala kwee-ofisi zesebe ingakumbi kwiindawo ezinabantu abaninzi

- Ingcaciso engeyonyaniso ngokuyekiswa kwencwadi-zazisi eluhlaza
  - Izalathisi ezingacacisi kakuhle kwii-ofisi zesebe
- Kukho ii-ofisi zeMicimbi yezeKhaya ezili-184 ezikwaziyo ukuthatha iifoto kunye nezingama-411 ezikwaziyo ukunikezela ezinye iinkonzo.

Zezi ofisi zili-184 kuphela ezikwaziyo ukukhupha nokuqwalasela izicelo zeKhadisazisi kunye neepasipothi.

Isebe lihlaziya ii-ofisi ezingoomahamba-nandlwana ezingama-78 kwaye liqinisekile ukuba ziza kuthunyelwa kuwo wonke uMzantsi Afrika ngesiqingatha sesibini ngowama-2018. ■

## UBUSAZI NA?

Ukususela oko kwakutshwa amaKhadisazisi ngowama-2013, ii-ofisi zeMicimbi yezeKhaya sezikhuphe amakhadi angaphezulu kwezigidi ezilithoba.